

GOBERNADOR TROMP LO SALI PA HULANDA PA TUMA DESPEDIDA

ORANJESTAD (AAN): Den compania di su distinguida esposa sra.C.Tromp-Gomez y e director di su gabinete mr.Bas Nieuwenhuize, Gobernador Felipe Tromp diabierna dia 17 di januari lo sali pa Hulanda pa asina tuma despedida.

Esey lo socede e siman unda cu e lo ser ricibi cerca La Reina, e ministeraad di Reino, e ministro plenipotenciario di Aruba, sra.Ella Tromp-Yarzagaray y e ministro plenipotenciario di Antillas Hulandes Jeserum.

E gobernador Tromp y su señora pa ultimo biaha como prome ciudadano di Aruba cu e bishita di aña nobo na e cas di gouverneur. Entre e invitadonan a ser spera e ministro hulandes pa cu e asuntunan Antillano y Arubano, mr.E.Hirsch Ballin, cu lo ta ariba Aruba pa combersacion pa loke ta trata Aruba, alavez tambe presente e gobernador di Antillas Hulandes mr.Saleh.

Durante e bishita aki tambe lo ser treci adilanti e tratamiento di e sucesor di gobernador Tromp. Manera ta

conoci Poy Werleman na principio a ser nombra door di e gabinete Oduber, y despues di un bishita di orientacion Sr.Werleman a yama danki pa e honor concede na dje pero a yama danki pa esaki.

Recientemente a ser duna di conoce cu MEP a nomina su candidato den persona di sr.Lindo Koolman. E nombramento aki a tuma lugar sin un acuerdo cu e partidonan di oposicion, asina anto cu e nominacion aki no tin nada otro cu preferencia di color politico.



E presidente di AVP mr Henny Eman a declara cu ta di lamenta cu den un aprobacion o contra proposicion

esaki no a tuma lugar. Pa e siman aki e lo tene un combersacion cu minister Hirsch Ballin pa cu e manera no deseable manera cosnan a bay. E impresion ta keda cu despues di a nombra Werleman y cu esaki no ta sinti mucho pa e funcion aki, y cu awor ta nombra un candidato sin tene un reunion pa cu esaki, asina anto pa ora cu Hulanda nombra un otro candidato y unda cu Mr. Maximo Croes den diferente ocasion a funciona como waarnemend gouverneur, mas ainda ora cu e culpa por ser duna na Hulanda, ya cu e candidato di e gobierno no a ser tuma.

CAMPAÑA DI STICKER AIR ARUBA TA SIGUI TE DIA 15 DI JANUARI

ORANJESTAD (AAN): E pasaheronan di Air Aruba cu a haci uso di e prijs special pa bay Hulanda durante e dianan di fiesta, a haci un petition na Air Aruba, pa prolonga su campaña di sticker te cu dia 15 di januari.

Ta asina cu diferente pasahero a yama Air Aruba prome cu e dia di concurso a ser planea, esta dia 30 di december 1991. Di e forma aki ta bira dificil pa nan auto participa. Alavez Air Aruba kier recorda tur hende cu ta

pensa di viaha den e prome dos siman di januari pa nan reclama nan sticker cerca nan agente di viaje, pege banda di nan number di auto, parti patras patras y nan tin chens pa gana un pasashi riba e mesun ruta cu nan a cumpra.

DANDE DEN CASINO DI HYATT



Un tremendo ambiente tabata reina Aña Nobo ora cu turistanan y tambe esnan local den Casino di Hyatt Regency a ser sorprende pa e Dande di Chua y su Grupo, cu a bini duna bendicion y deseonan di bon aña pa tur esnan presente. E sonido dushi di Dande a resona bon den harmonia meymey di e slotmachinenan, y esey tabata suficiente pa algun turista para keto y keda scucha e voz di e cantador di Dande, y alavez mira con e grupo tabata saca un melodia cu rapidamente ta dreña den e mente y ta keda congela pa futuro. E potret aki ta papia pa su mes.

PA DEFENDE SU CURPA EL CHOCA UN JOVEN

ORANJESTAD (AAN): Central di Polis a dirigi un patruya na un cas situa na San Nicolas caminda un homber lo a choca un joven.

Polis a topa cu e joven di inicial R.G. di 15 aña cu a duna di conoce cu e homber J.M. di 52 aña a choke.

Polis a papia cu e homber cu a duna di conoce cu e

joven aki den pasado a horta su bicicleta.

Ademas e joven aki ta molestia su persona, y esaki no ta tur ya cu el a pasa man pa un piedra pa mande cu ne.

Pero el a choca e joven aki pa e por a tira e piedra afor. Despues di a tende tur e dos versionnan, Polis a dicidi di duna ambos un scual pa nan actonan.

TRIO JOVEN A HORTA CLAPCHI NA GRAN CANTIDAD

Entre nan un mucha muher

ORANJESTAD (AAN): Ta hopi lamentable cu jovennan ta comete actonan di robo, sin cu nan ta pensa cu esaki lo keda como un "stempel" (strafkaart) pa resto di nan bida riba nan nomber. Den futuro ora di aplica pa trabao of pa hasta pasa examen, nan lo no por haya un papel di buena conducta for di polis mas!

Un gerente di un negoshi na San Nicolas a haci denuncia na recherche cu ladron a kibra y dreña den su lugar, y nan lo a bay cu un cantidad di clapchi.

Ladronnan a bay cu entre otro vuurpijl, pagara di dif-

erente grandura. E informe policial ta indica cu doño di e negoshi a hiba un perdida di mas di 10 mil florin.

En conexon cu e ladronia aki recherche a detene despues di un investigacion 3 joven di cual un ta mucha muher. Nan edad ta varia di 13 pa 16 aña.

Recherche den su investigacion relampago a bin descubri tambe algun di e cahanan cu ta precedente di e robo.

E caso a ser entrega den man di recherche di mucha (KZP) cu awor ta sigui investigacion.